

Isumaginninnikkut misissuineq pillugu paasissutissat

Ilaqutariinnut

Quppersakkami matumani isumaginninnikkut misissuinerup suunera nassuiaatigineqarpoq, aamma soq tamanna isumaginninnermut siunnersortip suliarissaneraa.

Quppersakkami matumani illit Kommuneqarfik Sermersuumi innuttaasutut, isumaginninnikkut misissuinerup imarisaa suliarineqarneralu malinnaaffigisinnaavat.

Quppersakkami atuarsinnaavat isumaginninnermut siunnersortip illisi ilaqutariittut qanoq suleqatigissagaasi, isumaginninnikkut misissuineq paasissutissanik sunik imaqassanersoq, sullissisup paasissutissat qanoq ililluni pissarsiariniartarnerai, paasissutissat sumut atorngassanersut, aammalu illit/illisi misissuinnermut atatillugu sunik pisinnaatitaaffeqarnerlusi.

Neriuppugut quppersagaq aqquutigalugu isumaginninnikkut misissuinerup sunik siunertaqarnera paasitikkumaarlugu, aammalu misissuinnermut atatillugu illit sunik immersueqataasinnaanersutit, taamaasilluni illit ilaqtavut atugarisaat pillugit sapinngitsamik pitsaasumik takussutissiissuteqarnissaa.



ISUMAGINNINNIKKUT MISISSUINERMI PAASISSUTISSAT

KOMMUNEQARFIK SERMERSOOQ
Meeqqanut Ilaqutariinnullu Ingerlatsivik
Forvaltning for Børn og Familie

Imaneq 20 · Postboks 1005
3900 Nuuk · Greenland

Isumaginninnikkut misissuineq sunaana?

Meeraq imaluunniit inuusuttoq tapersersortariaqarpat, Meeqqanut Ilaqutariinnullu Ingerlatsivimmut ikioqqullugu saaffiginnittoqarsinnaavoq.

Meeqqat tapersersorneqarnissaannut Inatsisartut inatsisaat nr. 20, 26. juuni 2017-imeersoq naapertorlugu piumasaqaataavoq Meeqqanut Ilaqutariinnullu Ingerlatsivik meeqqamut imaluunniit inuusuttumut ikiorsiinissaq taper-sersuinissarluk pillugit aallartitsinnginnermi isumaginninnikkut misissuisoqassasoq.

Isumaginninnikkut misissuinermit siunertaavoq aalajangiinisaq sioqqullugu, sullissisup meeqqap/inuusuttup atugaanik misissuinissaa tapersersorneqarnissaa pillugu aalajangiisooqannginnerani.

Sapinngisamik pitsaasumik ikiorsiinissaq ujartorniarlugu, sullissisup meeraq/inuusuttoq aamma ilaqutai suleqatigalugit misissussavaa meeqqap/inuusuttup tapersersorneqassaguni sunik nukittuffeqarnerisooq, ajornakusoortitsinersooq taper-sersorneqanissaminillu pisariaqartitsinersooq allaaserissallugu.

Sullissisup aamma allaaserisassaasa ilagai ilaqutariit meeqqamut/inuusuttumut attuumassuteqartut sunik periarfissaqarnerisut nukittuffeqarnerisullu. Periarfissat tamakua nukissallu meeqqap/inuusuttup ajornakusoortitaanut iluaqusiinnaapput.

Isumaginninnikkut suliatigut misissuineq tassaavoq meeqqap/inuusuttup ilaqutaarillu ikiorserneqarnissamik pisariaqartitaannik nalilersuinissamut tunngavilliisuusasaq. Sullissisup ilaqutariit peqatigalugit tapersersuineq aallartinneqartussa qaalajangiiffigissavaat.

Isumaginninnikkut suliatigut misissuineq maannakkorpiaq meeqqap/inuusuttup atugarisaanik tamakkiisumik paasisutissiineq, tamatumani siunertarineqarluni sapinngisamik pitsaanerpaamik naleqquttumik tapersersuinissamik nassaarnissaq, taamaasilluni meeraq/inuusuttoq ilaqutariillu ajornartorsutitigisaminnit qaangiisnneqarsinnaaniassammata.

Isumaginninnikkut misissuineq sunik imaqarpa?

Sullissisooq isumaginninnikkut misissuinermit aallartitsiguni, meeraq/inuusuttoq ilaqutaasullu suleqatigalugit isumaqatigiissutigineqassaaq, meeqqap attavigisartagaani kina peqataatinneqassanersooq, aammalu paasisutissat suminngaanniit pissarsiarineqassanersut.

Sullissisup meeqqap/inuusuttup ineriartornera pissusiler-suutigisartagaalu misissorlugillu allaaserissavai, aammalu ilaqutaanut tunngassutillit, atuarnera, sunngiffik, ikinngutai paasisutissallu pisariaqartinneqartut allat.

Meeqqamik oqaloqateqarneq

Pingaaruteqarpoq meeqqap/inuusuttup nammineq qanoq inissisimanerminik paasinninnissaa, taamaasilluni sullissisup tapersersuinissaq eqqortoq aallartissinnaaniassammagu. Taamaattumik sullissisooq tamatigut minnerpaamik ataasiarluni meeqqamik/inuusuttumik oqaloqateqareersimassaaq, tamanalu piareersarneqassaaq meeqqap inerisimassusaa aallaavigalugu. Meeqqap oqaloqatiginissaanut atatillugu najortimik peqataasooqarnissaanut periarfissaqarpoq. Najorti tassaasinaavoq ilinniartitsisoq, ilaqutaasut arlaat, Najortimi sulisut ilaat imaluunniit inuk alla, meeqqap tatigissaa.

Nukissat

Naak meeraq/inuusuttoq artorsaraluartoq, pingaaruteqarpoq sullissisup ilaqutariinni, ilaqutaasuni allani aammalu meeqqap/inuusuttup nammineq attavigisartagaasa akornanni nukissanik qulaajaalluni eqqumaffiginninnissaa.

Nukissanik qulaajaanikkut ilaqutariit nutaamik nukissaqalersinnissaaq ajornartorsutiniillu suliarinninnissamik piumassuseqalernissaaq immersueqataaffigineqassaaq. Ilaqutariit siumut isigisnnaalersinneqassapput, tamannalu meeqqamut/inuusuttumut siunissaq eqqarsaatigalugu nukissaqarnerulersitsissaaq.

Sulisunik allaniik oqaaseqaatit

Sullissisooq sulisunit allanit arlaleriarluni paasisutissanik ujartuisariaqarpoq. Taakku tassaasinaapput atuarfik, ulluunerani ornittakkamiit, tarnip pissusaanik ilisimasalimmit sulisuniillu attuumassuteqartunit allanit. Sullissisup isumaginninnikkut misissuinermit oqaaseqaat atussavaa, meeqqap/inuusuttup atugarisaasa sapinngisamik pitsaasumik erseqqissaaviginissaannut.

Suliamik ingerlatsinermit naliliineq

Isumaginninnikkut misissuinermit paasisutissat tamakkiisut tunngavigalugit sullissisup meeqqap/inuusuttup pisariaqartitai naammassineqanngitsut ilaqutaasa nukissaat eqqarsaatigalugit misissoqqissaassavai nalilersuiffigeqqissaarlugillu. Taamatut naliliinikkut sullissisup ilaqutariit aammalu meeraq/inuusuttoq suleqatigalugit aalajangersinnaavaa tapersersuinissaq qanoq ittoq aallartinneqassanersooq.

Sullissisup isumaginninnikkut misissineq ilaqutariit peqatigalugit nassuiaateqarfigissavaa, misissuinerullu naammassineqannginnerani ilaqutariit oqaaseqaateqarnissaminut periarfissinneqassallutik.

Piffissaliussat

Isumaginninnikkut misissuineq aallaaviatigut Meeqqanut Ilaqutariinnullu Ingerlatsiviup suliarinissaanut aalajangiisoqarneraniit qaamatit marluk qaangiuppata naammassereersimasussaavoq.

Iliuusissatut pilersaarut suua?

Isumaginninnikkut misissuineq naammassereerpat sullissisullu nalilerpago, tapersersuisoqarnissaanik pisari-aqartitsisoqartoq, taava sullissisup ilaqutariit peqatigalugit iliuusissatut pilersaarut suliarineqassaaq. Iliuusissatut pilersaarummi tapersersuineq qanoq ittoq aallartinneqartusatsat aalajangiunneqarsimanersooq allaaserineqassaaq, kina tapersersuisanersooq, tapersersuineq qanoq siviutigisumik atuutissanersooq aammalu tapersersuinermit suna siunertarineqarnerisooq.

Sullissisup ilaqutariit peqatigalugit iliuusissatut pilersaarut nassuiaateqarfigissavaa. Iliuusissatut pilersaarutit atsiunnginnerani ilaqutariit oqaaseqaateqarsinnaatitaapput.

Iliuusissatut pilersaarut ataavartumik malinnaaffigineqassaaq. Siullermik malinnaaffigineqassaaq qaammatit pingasut qaangiuppata, tamatumalu kingorna ukioq affakkaarlugu. Iliuusissatut pilersaarutit malinnaaffigineqarneratigut tapersersuinissaq akuersissutigineqartoq meeqqap/inuusuttup ajunngitsumik ingerlalnissaaq qulakkeerinneqataassaaq.

Meeraq/inuusuttoq sunik pisinnaati-taaffeqarpa?

Meeraq/inuusuttoq ilaqutaasullu isumaginninnikkut misissuinermit iliuusissatullu pilersaarutit suliarinerani suliamik ingerlatsinermit suleqataanissaminut periarfissaqarput. Taamaattumik ilaqutaasut isumaginninnikkut misissuinermit iliuusissatullu pilersaaruisornermut immersueqataanissaminut periarfissaqarput. Ilaqutaasut pisinnaatitaaffigaat, isumaginninnikkut misissuinermit atatillugu suliamik ingerlatsinermit suleqataajumangissinnaaneq.

Meeqqanut Ilaqutariinnullu Ingerlatsiviup paasisutissat pissarsiarisimasai, meeqqap/inuusuttup ilaqutaasullu paasisutissanik pissarsiarineqarsimasunik tamanik takunnissinnaatitaapput.

Meeraq/inuusuttoq sullissisumik oqaloqateqarnermit atatillugu najorteqarnissaminik pisinnaatitaaffeqarpoq.